

Hist. 14682




No. 63.

2 1/2

Pieniążek 1037
590/1

6. R



593/1

(4)

PANEGYRICUS

SERENISSIMO, POTENTISSI-
MO PRINCIPI, AC DOMINO

FRIDERICO
TERTIO,

Daniæ, Norwegiæ, Vandalorum
Gothorumq; Regi, Principi Schlesvici, Hol-
latiæ, Stormariæ ac Dithmarsiæ, Comi-
ti Oldenburgiæ ac Delmen-
horst &c.

PIO FELICI
AUGUSTO

Scriptus

a

JACOBO ROSENCRANTZ.

Hist. 14682(61)

HAFNIÆ,

Literis PETRI MORSINGII, Reg & Acad
Typogr. ANNO 1657.

PANEGYRICUS

SEBASTIANO POTENSI

MDCCXXV. A. DOMINI

FRIDERICUS

TERTIO

Danica, Norvegica, Vandalorum

Gothorum, Regni, Historiae, Holo-

landicae, Regni, Historiae, Com-

pendii, Historiae, de Danica

1622

PIO FELICI

AUGUSTO

1622

IACOBO ROSENCRANTZ

1622

Lucius, Regni, Historiae, de Danica

1622

DUlcissimæ, & quod
à Deo sæpe ac se-
riò precatus sum,
florenti patriæ red-
ditus, illud circum-
specta pietate & modestissima
deliberatione apud me quæsiui,
quemadmodum maximè gratus
redirem, quid prius loquerer, &
qua potissimum voce sincerum
meum in Patriam cultum com-
plecterer, & duraturo apud po-
steros monumento insignirem.
Integerrimè & sanctè dicam,
non aliam vocem, quàm quæ mi-
hi secundum Deum sanctissima
est, & non aliud prius nomen u-
surpandum existimavi, quàm ve-
nerabile illud, & per universum
mundum gloriosum,

OPTIMI REGIS MEI.

Nec illud acriùs quam sancti-
ùs elegi: Grande quidem, & au-

gustum est Reges alloqui, ubi nihil magis opus quàm veneratione & prudentiâ, ne offendas. Sed ego illustriùs confundi nolebam, quàm inter Regias laudes: cum, pulcherrimum illud in pietate vitium, immodicum esse, aut clementiâ regiâ, aut simplicitatis innocentia, gratiam omnino invenire possit. Nam invidiæ securus sum: siquidem illum Principem saluto, qui, si quis alius, adulatore opus nō habet aut precario elogio. In conscientiam virtutum suarum publicum diu admisit, ut nec famam sine experimento, nec gloriam sine publico assensu retineret. Ego sanctissimam vocem profanare nolebam, Deo & mundo teste locuturus; ambitionis & vanitatis causas procul habebam, ut modestiæ tantùm & veritati totam, hanc

hanc panegyrim impenderem.
Inde loqvendi initium jam sum-
psi, unde salus nostra magna &
inufitata felicitate exfurgit, & la-
tius in dies efflorescit. Ordinem
fortunæ nostræ secutus sum, &
in limine Patriæ illud primum
adoravi, unde felicitas nostra se
maximè æstimat: sanctè sicut ci-
vem decet, liberè sicut ingenu-
um, innocenter sicut pium, o-
mnia eloqvar. Sic institutus
sum, ut affectus meos in Patriam
abscondere, aut intimos super
Principe meo sensus ignavo cul-
tu transmittere impium semper
& bono cive indignum judica-
verim. Miror ipse in me vim,
& potentiam Patrii amoris, &
vincentia pro existimatione no-
stra vota. Sejungebar à Patria
grandi viarum, & itinerum in-
tervallo: Albis Rhenus, Seqvana,

B

Lige-

Ligeris, Rhodanus, & tot fluvii
intercurrebant, & me meis eri-
piebant. Sed maximè in hoc pe-
ctore circumferebam Regem
meum, & propius infidebat huic
animo charissima Patria, quàm
ut tam divisus ab illa dividi &
abstrahi possem. Intellexi re,
ipsa è longinquo acriorem in
Patriam reverentiam esse. Ve-
recundia nostra cum Patriæ a-
more commissa videri poterat,
& in illo cogitationum certami-
ne non satis ipse constitueram
an verecundanti animo silenti-
um, an voluntati egregiæ inno-
centem, & nulli invidendum
styium commodarem. Scio qui-
dem me ad illustrissimam argu-
menti dignationem & pompam
afferre nil posse, nisi simplicissi-
mam gaudii professionem ac vo-
luntatem de Rege & Patria mea
etiam

etiam apud peregrinos bona
verba faciendi ardentissimam.
Sermonem itaq; liberiùs & ex-
cusatius ad TE REGEM meum
dirigo, & ante folium tuum hu-
millimo affectu procidens, hu-
millimo ore & animo te ap-
pello:

SALVE AUGUSTIS-
SIME REX.

Vivis miraculum, nostra salus,
mundi gloria, noster amor, tua
mihi primùm, tua mihi inter nu-
mina mentio erit, nec aliter re-
diisse velim, nisi ut te primùm
venerarer. Sive Deum jam al-
loqvor, votum pro incolumita-
te tua nuncupabo, five publi-
cum, solennes tibi gratias pro fe-
licissima Imperii tui tranqvil-
litate & communi fortuna debe-
ri publicè testor ac gloriôr. Non
Titus magis ævi sui quàm tu no-

stri delictum es, nec ego id magis
in hac luce & splendore familiæ
meæ profiteor, quàm qui in casis
suis & tuguriolis gratissima re-
cordatione & cultu Majestatem
tuam, & suam salutem una ve-
neratione suspiciunt & Deo
commendant. Vox publica,
mea est, quicquid cives tui omnes
sentimus, unus eloquar, sine ap-
paratu, sine titulo: tantum civis
sum, & tantum credendus, quan-
tum, quæ loquor, nec ad Maje-
statis, nec ad innocentiae pudor-
em pertinebunt. Illa me ve-
ritate circumscribam, illud tan-
tum Rex meus audiet, S u b I m-
p e r i o E j u s N o s e s s e F e l i c i s-
s i m o s.

Una itémq; certissima huma-
ni generis salus Bonus P R I N-
C E P S est, & nobis ita divina
providentia favet, ut Optimum
nobis

nobis coelitus datum agnosca-
mus & confiteamur. Augeba-
tur & immane quantum invales-
cebat temporum nostrorum in-
felicitas, cum ab ipso Deo coram
& palàm reperiiebatur Princeps
noster, qui inter tot clades im-
perii & Regum obitus ruentem
Patriam sustentaret, & felici rur-
sum regimine conservaret. Vi-
dimus ipso homagii die felicitatis
mox redituræ pulcherrimum
auspiciū. Deducebatur inter
aras & arces Magnus REX no-
ster, ut in templo & ante pulvi-
nar Dei regnum susciperet, nec
præsentem magis ac manife-
stum Deum observavimus: adeò
ipsi ad illa conjurati venerunt
gaudia venti, aspiravit propiti-
um coelum pompæ utriq; nec
adversum Pio REGI inter eun-
dum & redeundum esse pote-

C

rat;

rat; certè ut initia quoque, & ipse
in regnum introitus, ordinem, &
securi imperii fortunam no-
bis addiceret faventissimam.
Nec aliter à cunctis omen acce-
ptum est. Intelligimus jam bo-
na nostra atque primi illius ominis
pulcherrimum successum. Cum
optimo Principe optima fortu-
na nos in dies magis aspicit.
Nam si consideramus seculum
nostrum, & totius prope mundi
in se impulsus motus; si viciniam,
ipsam aut libidine regnandi, aut
necessitate armorum in se con-
citatum, & penè jam deperdi-
tam, nos adhuc felicissimi sumus
Dei primùm munere, &, quod
omnino dicendum est, fortunâ
sanctissimi & Deo simillimi Prin-
cipis. Nam sanè periculofum,
& difficillimum tempus erat,
cùm Te, Optime PRINCEPS
publi-

publicæ salutis gubernaculis ad-
movebat Deus. Regnum no-
strum magna & inusitata tempe-
state collidebatur, irruerat in nos
nuper æternus ille, & irreconci-
liabilis Patriæ hostis, partem di-
tionum nostrarum terrore, vi-
ctoriis suis & iniquissima pactio-
ne nobis eripuerat, atq; illud
maximè ærumnosum, nobis re-
liquit pereundi in pace potesta-
tem; nam quæ postea seqveban-
tur deploranda sunt: adeò pri-
mum illud armorum discrimen
in omnem felicitatis occasio-
nem quotidie vergebat. Amissa
classe, parte regnorum, nihil re-
tinuimus nisi miseram quietem,
& mox ante cineres filii moritu-
rum Maximum Regem nostrum
divinissimum Parentem tuum,
CHRISTIANUM QVARTUM, nullo magis nomine pub-
licum

licum Parentem, nisi quia tuus
esset, ideoque nunquam sine in-
genti gemitu & sanctissima vene-
ratione memorandum. Non
aliud majus Reipublicæ nostræ
vulnus unquam impressum,
quàm metuendo illo tempore
cùm clades & funera, & nescio
qui tristes casus tacitis ruinis rem
nostram magis magisque involve-
bant. Illo nimirum tempore
eligendus eras, quod usu & for-
tuna & imperiis tuis dignissi-
mum calamitates nostræ facie-
bant. Inter pericula, tumul-
tus, dolores & desperata Patriæ
discrimina suscepisti imperium,
ut omnibus, jam te nos servare
velle, atque ideo opportunè veni-
re, ostenderes. Sicut igitur tur-
bines ac tempestates cœli & ma-
ris temperiem tantum com-
mendant, atque omnino gratior
est

est ridens post nubila Phœbus:
ita existimamus annos illos cala-
mitosos & emortuales & puden-
dis hominum cupiditatibus
damnandos præcessisse, ut pacis
& fortunæ tuæ gratia augeretur,
& miserrima Patria vi hostium,
infidiisq; popularium penè cir-
cumventa, tanquam ad vindi-
ctam & maiorem fortunam,
Te Imperatore & auctore assur-
geret, & convalesceret illustrius.
Scilicet hæc sola erat ratio, cur
in sinum tuum concussa Res-
publ. tum confugeret. Infe-
lices nos esse & imperium no-
strum ruere debuit, ut in te &
fortunam tuam erigendum,
incumberet, tuq; post occasum,
illum illustrior nobis Sol & Con-
servator affulgeres. Ut rerum,
ita regnorum vicissitudo est, va-
rietatem leges mundi habent, &

D

in

in orbem quendam se omnia circinant. Non omnium annorum foecunditas est, intercurrunt quoque steriles aliquot, ut pretiosior reditura annona fiat, & magis in votum & venerationem laetior ille post caritatem, proventus veniat. Habet has vices mortalium conditio, ut adversa ex secundis, ex adversis secunda nascantur. Nulli unquam tam benigna fortuna fuit, ut favori suo perpetuitatem addere voluerit. Florent regna ut deficient, deficiunt ut resurgant, iterum, & ad pulchriorem post clades suas vultum renascantur. Patriam ita nostram, cum inter belli & funerum calamitates contabesceret, atque ipsam animam prope ageret, Tibi, REX Optime, tradidimus, accepisti turbatum regnum, & innumeris
malis

malis pene deformatum, ut felicitas nostræ Te auctorem & Principem nata totum suum, periculum eluctaretur gloriosius. O faustum & augustum, illum diem, inq; omnem posteritatem meritissimis gratulationibus extendendum, quo Tibi, REX Optime, asserendæ Patriæ, & servandorum hominum potestas allata est. Nos illo die Te non modò Principem, sed quod in Principatu beatissimum est, libertatem, salutem, securitatem, pacem & omnem deniq; fortunæ tuæ fiduciam assumpsimus. Illa calamitatum nostrarum indoles erat: extingvi aut quiescere mala nostra nisi sub bono Rege recusarunt, nec alia lege Tu turbatum regnum admittere voluisti, nisi ut pacatum præstares. Illud in

virtutibus tuis primùm admirati
fumus , novum illud & inaudi-
tum tuum ad Principatum iter.
Nulla cupiditate mala , nulla do-
minandi libidine , aut honorum
ambitione , nullo proprio emo-
lumento aut fortunæ illecebris
ad capeſſendam illam ſtationem
perductus es. Nam prorsus ita
ſeres habebat : Patria ipſa tam
miſera erat , ut Recturo blandiri
non poſſet , & Tu rebus tantùm
feſſis in auxilium venire voluiſti.
Regium exiſtimabas & pietati
tuæ convenientius Patriam tùm
regendam accipere , cùm feli-
cem facere , ſicut unicè volebas ,
poſſes. Magnum hoc amoris in-
nos tui indicium , magnum fe-
licitatis noſtræ auſpicium , Te in
tam concuſſo Patriæ ſtatu impe-
rium non abnuiſſe. Regem ex
alio orbe , aliis aut moribus aut
fa-

facris imbutum , petendum ,
non habuimus. Electio nostra,
Optimum ut solet, invenit , &
Familia tua sceptris & imperiis
divinitus destinata ab æternitate
sua , quam apud nos inductura
est, excidere non debuit. Unum
Te fortuna tua in occulto tene-
bat , qui futurus Princeps eras &
ætate, & fama, & longa rerum,
nostrarum experienciâ tantæ
moli par, qui ad afflictum impe-
rium , quod maximè deerat,
remedium, attulisti pacem ; non
odia aut novitatem , non exerci-
tam armis violentiam aut erup-
turam post simulatæ clementiæ
principia malitiam. Votum om-
nino nostrum implevisti , & nos
minore periculo te Regem sum-
psimus , quàm majores nostri
unquam quæsierunt. Nam &
antea pulcherrima existimatio-

E

ne

ne & notitia vitam famamq; tu-
am penetravimus , Te imperio
deberi , etiamſi Celfiſſimum,
fratrem CHRISTIANUM
divinum Principem , qvem,
improba nobis inviderunt fata,
pietate & veneratione deſtina-
veramus ad Principatum & ſuc-
ceſſionem , vel ſola te in Patri-
am & diviniſſimum Patrem Re-
gem pietas perductura fuiſſet.
Hoc ipſum imperium hoſtis tan-
ta celeritate invaſerat, ut prope,
anteqvam ſciremus , victorias
ſuas jaſtaret , & celerato certa-
mine inſoleſceret: Non de li-
bertate ſua , non de injuriis no-
ſtris, non de gloria, ſed de igno-
miniis noſtris & ſervitute dete-
ſtanda invidioſiſſima noſtra bel-
lum illud præcipitaverat. Tuam
laudabilem illam , & pulcherri-
mo præſidio deſenſam & con-
fer-

servatam provinciam hostis invasit , ut in illustriori loco , inq; maximo imperio pietatis tuæ miraculum se efferret , & inter mundi venerationes porrò inclaresceret. Suspexit & venerata est fortuna tam sanctum , animum , ne detrimento aut honoris aut famæ confundetur , qvi Patriæ caritatem , supra maximum periculum , & omnem mundi gloriam habebat. Ergo celeberrima virtute evecto ad summum Patriæ culmen , diadema nostrum sed an pretium pietatis tuæ cessit , Patre jam defuncto , qvi vel ideo gloriosius mortalitatem exuit , qvòd Tu illum in imperio seqverere , non filius modò , sed (qvòd rectè & ex animo semper gloriabimur) bonus successor. Nam si ex ipso ho-

magii augustissimi tui die res nostras metiar: Si gloriosissima illa tua lustra animo complectar, fateri necessum habeo, magnitudinem, pacem & fortunam nostram cum Imperii tui annis prolixè crevisse; sola divina providentia securus es, illam divini favoris fiduciam assumis, ut non aliunde Imperii tui fortunam expectes. Satis nobis exemplo est gloriosa illa veraq; divina actio, nulli ætati filenda: dum Mathematicum illud coelum ejusq; prophetam olim contemnebas, qui, ut id genus hominum solet potentibus infidum & sperantibus fallax, vanissimas quasdam spes in superstitiosa papyro consignarat. Aureos sibi montes pollicebatur impostor ille; admissus est, & ut artis suæ contumeliam & ludibrium ipse

videret , inanissimas literas ne
legere quidem volebas , sed re-
gio plane & divino facto in ar-
dentissimum focum projecisti.
Fiet , Rex optime , fiet ; quam
Tibi & nobis egregio facto pro-
misisti fortunam assequemur.
Nihil mundi conscientiam &
stupores interrogabo , nihil ho-
stium invidiam & indignationes ,
ipsi nos cives tui quotidie expe-
rimur , quantum fortunæ &
imperio , virtuti & providentiæ
tuæ pro maximis rerum nostra-
rum accessionibus & manifestis
incrementis gratulari debea-
mus. Prospera nostra & insoli-
tum modum evectæ opes nimi-
um abundè ostendunt , quàm
bene & gloriosè imperium
Patriæ in humeros se tuos re-
clinet , & quàm divinitus sum-
ma illa potestas tibi contingat.

F

Di-

Dicam sicut est: totius Patriæ lætissima & verissima confessio est, nec in aula tantum & castris, sed & in ipsis tuguriis usurpatur beatissima vox illa, quæ Burrhi morientis ad Neronem erat; Ego me bene habeo: sic tibi optime REX credas, non maximos tantum & medioximos in regno tuo dicere, sed & infimi ordinis homines: adeò omnes, omnes Imperii & fortunæ tuæ usum & lætissimos fructus metimus. Atq; hoc est ingens divini favoris, ingens providentiæ tuæ argumentum, optime PRINCEPS: imperii quisque tui curas ad emolumenta sua pertinere, & salutem communem intelligit; omnes inter sollicitudinem tuam securi sumus, nemo fortunam suam tardam accusare habet. Verbô: omnes per Te, REX
opti-

optime felices sumus. Templâ
ipsa & religionis nostræ inno-
centia nunquam veriori gloria-
tione exultaverunt, quàm per
memoriam & exempla sanctissi-
mæ clientelæ tuæ. Ipsi Sacer-
dotes inter aras & altaria sua
prope triumphant super pietate
sanctissimi Regis, qvî Regio ze-
lô, & patriâ in Deum constantiâ
Ecclesiam in his regnis sic defen-
dit & tuetur, ut sua sit, ut Dei sit,
& quod per pietatem tuam spe-
rabimus, æterna sit, atq; ad poste-
ros sine impedimento & corru-
ptelis integerrima sanctitate,
porrò perveniat. Atq; in hoc
pietatis tuæ fortunam admira-
mur: periclitabatur Religio no-
stra, & sinceritati suæ metue-
bat; partim vernaculo, par-
tim externo scelere infestabatur;
irreperant corrupta aliquot in-

genia, quæ ingeniosis fraudibus
fidei nostræ fucum facerent, &
eruditæ in Religionem dolis, do-
ctrinam Ecclesiæ aut odiosam,
facerent, aut, si fieri potuisset,
tanquam exitiosam perverte-
rent. Latiùs atq; latiùs serpebat
hæc detestanda pestis, ut nisi per
tuam post Numinis vigilem tu-
telam immota stetisset, uno cala-
mitatis jure totum religionis
corpus involvisset. Sanctissi-
mam itaq; justitiæ manum nun-
quam pulchriùs occupatam,
Deo patrio commodasti, pertur-
batores aut in exilia, aut ad pœ-
nitentiam molitionum impia-
rum coëgisti. Jam, REX opti-
me, Dei benignitate, & imperii
tui sanctissima moderatione nihil
à turbis istis, nihil ab hæreticorū
insidiis, aut religionum mixtione
& inquinamenti offendimur.

San-

Sanctissima Ecclesiarum nostrarum jura sunt: auctoritate Dei & piissimi Regis constant sibi sacrae disciplinae: ipsi sacerdotes nunquam aut immunitate, aut securitate, aut veneratione hominum majore munia sua quam inter imperia tua explent. Florent Academiae & Scholae, quibus tam Pius REX non edictis magis, quam exemplo aeternam clientelam quotidie, & coram & serio pollicetur. Maeste, REX Optime, tam sanctis imperiis; ipsa tibi pietas tua augustissimum pretium erit, nec Ecclesiae & Academiae in sancta tua beneficia ingratae erunt. Memorabimus inter aras & altaria, inter pulpita & cathedras sanctissima praesidia tua; venerabimur pia illa exempla & defensiones tuas, atque illud praecipue in omnibus

G tem-

templis Deum flagitabimus, nobis ut diu intersis Dei præsentissima & felicissima tutela. Nec sancta tantum sub imperiis tuis inclaruerunt: existimatio quoque & reliqua Magnitudo Daniæ universis in mundo Regibus aut in metum, aut in venerationem jam innotuit. Adeo Majestas ipsa se nobis & prisca illa regni nostri facies maxima hominum admiratione vel jam nobis rediit, vel per virtutum tuarum potentiam ac fortunam mox reditura est. Sentit hæc antiquus ille, Danici nominis hostis, qui nunquam magnitudinem nostram, nisi in sui diminutionem acceperat, nostra incrementa oculis devorat, & suis nunquam non maceratur decrementis. Sentit hæc inquam, hostis noster insolens, & inter tam amica regna nostra

nostra immeritò mixtus. Sentit, inquam, & superbas paulatim voces, inq; perniciem nostram instructas molitiones, aut, damnat, aut, quod proximum, inter pericula sua & redeuntes in se clades non persequitur. Audivimus non ita pridem indignissima illa consilia, & sparsa per ora hominum impotentissimum factum, nos vel nutu solo, & ad mandatum etiam longè absentis victoris subigendos esse. Magnificè sanè & satis pro imperio, si ad hanc formam cœtera essent. Interroget jam pudorem suum, interroget ruinas suas & nostram libertatem, inquieta illa gens & in res novas avida, an in suis manibus & nutu, imperii nostri salus, aut servitus sit. Refudimus fastuoso hosti proximorum annorum metum, recepit ipse missam

in nos formidinem, atq; illud
præcipuè converſo fortunæ
munere jam diſcit amplius in
Dania Majeſtatem REGIS age-
re, ampliùs promotas vires &
conſilia noſtra, quàm ut minis &
terrore vincamur. Poſt hæc ſi
volet in cautes ſe ſuas, & extra
mundi conſortium remota clau-
ſtra ſe recipiat, regni modum
ſervet, nihil ex memoria veteris
fortunæ agat. Contemnere
poſſumus ſuperbiſſimas literas,
& poſtulatam à nobis toties fœ-
derum noſtrorum rationem.
Inania hæc ſunt: remittimus illi
verborum injurias: inſitus ani-
mis noſtris Regis & Libertatis
amor, impetrata per rerum ſuc-
ceſſus arma, ſociorum fides, & alia
ad glorioſiſſimam vindictam ma-
nifeſtiùs hortantur, quàm ut am-
pliùs piam gentem per fraudes
ſuas

suas & inanem potentiam illu-
dat. Sentiatur mundus famam,
nihil de nobis Majoribusq; no-
stris mentitam esse. Nos mo-
dò veterem Cimbricam virtu-
tem Orbi repræsentemus. Fa-
xit Rex noster ne in Duce sum-
morum Antecessorum VAL-
DEMARI, FRIDERICI,
CHRISTIANI virtutem re-
quiramus. Taceamus annonam,
quæ sub imperiis tuis ita redun-
davit, ut ipsa horrea tam insolitæ
Cereris foecunditati vix suffece-
rint. Non aliud seculum tam
benignum aërem & obsequen-
tia votis nostris sidera sensit.
Tellus, æqvor & circumfusa Bal-
thes, ipsi fluvii & amnes, in Patriæ
& imperii tui commendatio-
nem, omnem abundantiam, &
divitiarum suarum varietatem,
commodavere, ut ad totam,

H

ma-

magnitudinem suam Danus hac
qvoq; felicitatis parte, Te impe-
perante, frueretur. Atq; inter
tam florentes, & ex votis omnino
nostris fluentes res nostras, nihil
insignius, aut magis in imperio
tuo adorandum vidimus, quàm
optimam illam, & sua varietate
augustam pacem regni tui indis-
solubili foedere nos comple-
xam esse. Nam quòd nos inter
tot arma Principum flagrantem
bellò, non dicam viciniam, sed
totum terrarum Orbem, hinc
ambitum & libidinem, inde ne-
cessitatem, tuti sumus: quòd po-
siti inter sævum, &, quod pejus,
amicum hostem, qui affinitatem,
& jacentes adhuc in limine no-
stro Respublicas in occasionem,
turbarum quotidie sollicitat, &
clandestino scelere sibi adjungit,
nihil moveamur, hoc solius Dei
mu-

munere,& tua, REX Optime,
fortuna contingit. Status pacis
nostræ adhuc ille est, ut nec ab
hoste everti possit, nec ipse se
turbaturus unquam. Nam &
illud suô malô didicerunt magna
Imperia, pacem interdum plus
qvàm manifesta arma publicas
res affligere, cùm defides popu-
li optatô pacis bonô abutantur,
& Principum aut ignaviâ, aut in-
genioso luxu, aut alio imperato-
riô malô effoementur, & in rui-
nam suam execrabili defidiâ re-
volvantur. Sed nos tuâ vigilan-
tiâ, REX optime, pacem usur-
pavimus, quæ nec tuæ gloriæ,
nec nostris emolumentis adver-
sa esse volebat. Agnoscimus
gratissimîs animis Divinas illas
tuas curas; quòd sollicitus pro
tuis subditis vivas, quòd noctes
atq; dies pro illorum salute ex-

cubes, in omnia pariter attentus
& succinctus. Sanctissimam tu-
am pro incolumitate nostra so-
licitudinem Optime PRIN-
CEPS, non possumus non vene-
rari: illud enim summa ope Ma-
gnitudini tuæ enitendum existi-
masti, ne fundata pace felicitas
nostra pacis abusu contabesce-
ret. Etenim nulla Imperia sine
pace tuta sunt, & nulla unquam,
pax nisi per justitiæ & fori in-
tegritatem conservari potest.
Spartanorum virtus primum &
mox omnium gloria cum Phi-
lopoemene interiit. Nec mirum,
solvebātur in muliebres delicias
Martiales illi animi, pacem suam
transmittebant, de classe, de co-
piis securi, & publicis festivitati-
bus & extruendis fanis opes pro-
luebant; quibus deliciarum ille-
cebris dum sese ingurgitant,
crevit

crevit externa vis, & Græciæ quæ
nec pacem nec bellū pati pote-
rat, servitutē imposuit. Dudum
liberasti regna tua, R E X Opti-
me, tanti periculi metu, asserui-
sti pacem nostram, dum justitiæ
negotium publicè & privatim,
ageres. Impatientiam primò
dominationis tuæ & sceptri in-
vidiam admiranda moderatio-
ne & humanitatis tuæ fortunā
confudisti. Pauci, quod in glo-
riam imperii tui dicendum est,
pauci tuam & justitiæ vindicem
manum irritarunt, leges & san-
ctiones in metum & metum &
vindictam novorum scelerum
paucæ constitutæ sunt; in corru-
ptissima enim Republica pluri-
mæ leges; quibus interdum non
minùs quàm flagitiis laboratur.
Antiquas illas & tam longo tem-
porum usu venerandas leges

(bone Deus!) qva auctoritate & præsidio anniverfariis comitiis tueris ipse, & nobis integerrima iustitia commendas. Conventus enim illos & profunda illa cum Maximis ministris & Senatoribus tuis judicia si cogito, pacem nostram non aliunde sibi constare ferò crediderim. Tam publicè nobis R E X optime, & quæso, quàm gravis, intentus, severus, & sæpius mitis ac misericors appares. De Velleda legimus, illum coràm adire aut alloqui negatum, ut major è longinqvo reverentia esset. Tu REX Optime meliore viâ tuum defendis: ipse te nobis offers, nec arcemur aspectu tuo, audis ipse nos, & unicuique defensionem tribuis, communesq; illas loqvendi & audiendi vices. Reus & Actor in tam grandi confessu
ean-

eandem licentiam habent, vel
per se, vel per Oratores publicos,
in primis suas aut accusationes
aut defensiones promere; Sæpe
enim mollior in calamitate sua
qvibusdam animus, & multis
contingit qvod Publio Celeri,
cui nec animus in periculis, nec
oratio suppeditabat. Atq; hac
ratione paci nostræ omnia in-
qvinamenta & peccandi audaci-
am adimis. Nec corruptis &
malis sua scelera largiris, ut ex-
empla honesta ab aliorum deli-
ctis & poenis oriantur. A segete
nisi fentes & lolium vellat agri-
cola, ipse foecunditatem suam,
retardari finit; ita qvicqvīd cum
damno disciplinæ agitur, ple-
tendum est, & nisi boni simus,
nec Te Regem, Optime REX,
habere possumus, nec pacem,
integram, nec dulcissimum illud

fortunæ tuæ commercium. Si
qva in liberalitate divinitas est,
Tu istam dudum consecutus es;
nam illud gloriari habemus, non
aliud Regem erogandæ ad ho-
nesta pecuniæ cupientiore.
Perdere multi sciunt, donare
nesciunt: Sed, Optime REX,
egregiè dispensas clementiam,
in nos tuam. Non ut Nero nobili-
um familiarum posteros egestate
venales in scenâ deducis: nec ut
Vitellius sine modo, sine iudicio
& tua & aliena largiris. Honestam
bonorum paupertatem libera-
litate admiranda quotidie levas,
nec pateris linqui inglorios, aut
fortunæ injuriâ exstingui, quos
generis claritas commendat.
Tiberius cùm omnes virtutes
exueret, hanc solam retinuit, quâ
solâ Majestatem Imperatoriam
tueretur. Tu verò cùm omnes
am-

amplexus sis, hanc inter cœ-
teras eminere vis, ut rarissima
moderatione veram illam &
solidam gloriam consequaris,
non habere tantum felices ci-
ves, sed & fortunæ communio-
ne fecisse. Luxus, avaritiæ, libi-
dines, & quicquid bonæ paci in-
festum est, omne proscribitur, &
meritissima punitione regnis ex-
scinditur. Rarefcunt sensim,
quos improbitas ab honestate
transversos agit, qui legum pœ-
nas in se exacerbant. Ipse, ipse,
R E X Augustissime, Optimus
es: blandissimum omne tuum,
imperium est, nec cogis honesta,
sed exemplo jubes. Nihil blan-
dior virtutibus tuis, sed mundo
teste loquar, admiranda animi
moderatione illud consecutus
es, ut in maxima fortuna, mini-
mâ licentiâ utaris, nec quicquam

K

lici-

licitum tibi credas, nisi quod
cum virtute & honestate con-
junctum. De te id Deo coram
jurare possumus, illa te integri-
tate & sanctimonia in illo fastigio
tuo agere, ut nemo magis tuis
legibus obstrictus vivat ac tu i-
pse: adeo mandatorum conditio
communis est. Jubes honesta
pia & laudabilia, & ipse quoque
obsequii gloriam affectas. Spon-
te praescripta legum tuarum
imples ipse; compescis potesta-
tem tuam, nec licentiam Regi-
am, nisi placide & moderate u-
surpandam existimas. Breviter,
& uno verbo: OPTIMUS ES,
Regumque in hoc mundo EXEM-
PLAR. Atque ita diu, inter admi-
rationes & amores publicos, pa-
cem nostram REX Optime su-
stentasti. At jam Patriae nostrae
salus in laudatissima consilia pru-
den-

dentiam tuam evocavit, dum
omnis prope mundus & vicina
maximè regna mutuis discordi-
is & in nos tandem erupturis ar-
mis sæviunt. Dum ambitio-
nem suam undiq; circumfert,
totius Germaniæ irreparabili
damno, orbi plus satis notus
hostis, cum summis Senatoribus
tuis consilium inivisti, quemad-
modum publicò præfidiò pa-
cem nostram armares, fraudesq;
illas quæ sub titulo dulcissimæ
pacis irrepsērunt, repelleres.
Optime REX publicas nunc à
me accipe voces: Consilium il-
lud tuum juxta salutare nobis
est atq; sanctum. Omnia, omnia
nostra in defensionem Majesta-
tis tuæ & Patriæ salutem jam
diu offerimus, pacem nostram
secundum Deum Tibi tradi-
mus: tuêre munera tua. Cum

Libertas nostra, cùm Imperii tui
dignitas te ad armorum necessi-
tatem descendere coëgerit, se-
quemur nunc loeti, & fortunam
nobis tuam ubiq; pollicebimur.
Reddemus in acie gratiam,
tam longi & moderatissimi Im-
perii. Opes, & qvod opibus præ-
fertur, sangvinem in gloriam,
tuam & Patriæ instaurationem
loetissimi profundemus. Perge
ad tam illustria, perge liberta-
tem subditorum tuorum pro-
movere, ne in jugulum semper
nostrum insultet efferus ille ho-
stis, qvi in minas suas fastu & ul-
tione DEI protractus videtur.
Occlude tandem vaserrimis, qvi
ex rapto vivere conseverunt,
omnes diripiendi vias: ut sen-
tiant J E H O V A M J U-
STUM esse JUDICEM, &
partibus tam divini Principis
affu-

affuturum. Sed adesse, imò planè præsentissimum Tibi esse DEUM jam nunc sentit iniquus ille in explebilis cupiditatis conquæstor, qui non Sarmatas modò, sed Cimbros quoq; Romanosq; tuos spe devoraverat: ideoq; tuam nunc in mari horret formidatq; præsentiam & classem suam latebras quærere jubet. Tibi verò tuus gestit Codânus salientibusq; undis quasi tripudiat, & lætatur Te, antiquum tutorem suum, classe Domina per se vehi, Illiusq; passim quærere nusquam invenire cataphractas, qui non ita pridem, Maris se Balthici Dominum falsò, & intolerantissimè Tibi, jactare non est veritus. Tu modò acrior instas, REX AUGUSTISSIME, & ut coepisti bellè, nostra porrò pericula fortiter averte,


L

im-


imperio ut tuo pax tandem tu-
ta coalescat, nobis verò liber-
tas & felicitas plena contingat,
eademq; perpetua sit.

Ita
DOMINVS PROVIDEBIT
&
TU VIDEBIS.





Biblioteka Jagiellońska



stdr0010464

